

摘藻堂四庫全書薈要

集部

欽定四庫全書薈要

集部

御選元詩卷四十二

詳校官原任主事

臣  
李斯咏



欽定四庫全書薈要卷一萬八千四百五十四

集部

御選元詩卷四十二

七言律詩一

耶律楚材

和薛伯通韻

滴滴秋光溢遠山  
一天空闊鴈聲乾  
詩章平淡思居易  
禪理縱橫憶道安  
不忿西風霜葉脫  
難禁秋雨菊花殘  
閭山舊隱天涯遠  
夢裏思歸夢亦難



和伊拉繼先韻

舊山盟約已愆期一夢十年盡覺非瀚海路難人去少  
天山雪重鴈飛稀漸驚白髮寧辭老未濟蒼生曷敢歸  
去國遲遲情幾許倚樓空望白雲飛

陰山

八月陰山雪滿沙清光凝目眩生花插天絕壁噴晴雨  
擎海層巒吸翠霞松檜叢中疏畎畝藤蘿深處有人家  
橫空千里雄西域江左名山不足誇

思友人

落日蕭蕭萬馬聲  
東南回首暮雲橫  
金朋蘭友音書絕  
玉軫朱絃塵土生  
十里春風別野店  
五年秋色到邊城  
雲山不礙歸飛夢  
夜夜隨風到玉京

寄平陽淨名院潤老

昔年萍水便相尋  
握手臨風話素心  
刻燭賦成無字句  
按徽彈徹沒絃琴  
風來遠渡晚潮急  
雨過寒塘秋水深  
此樂莫教兒輩覺  
又成公案滿叢林

和伊拉子春見寄

邂逅沙城識子初，天山風雪醉吟餘。  
文章光燄君堪羨，

節操儀刑我不如。麴蘖鄉中前進士，

渠有詩云老去惟耽麴蘖春故有是

句風波堆裏老中書。他年歸去無相棄，同到閭山舊隱

居。

過夏國新安縣

時丁亥九月望也

昔年今日渡松關

西域陰山有松關

車馬崎嶇行路難，瀚海潮

噴千浪白。天山風吼萬林丹，氣當霜降十分爽。月比中

秋一倍寒回首三秋如一夢夢中不覺到新安

過武川贈僕散令人

班姬流落到而今聞道翻身入道林  
歌扇舞裙忘舊業藥壚經卷半新吟  
閑眠白晝三盃醉靜對青松一曲琴  
更看他年棲隱處蓬山樓閣五雲深

還燕京題披雲樓和諸士大夫韻

閑上披雲第一重離離禾黍漢家宮  
窗開青瑣招晴色簾捲銀鈎揖曉風  
好夢安排詩句裏閑愁分付酒盃中

靜思二十年間事聚散悲歡一夢同

謝飛卿飯再用韻紀西遊事

河中

西域尋思子城西  
遠目為河中府

花木蔽春山爛賞東風縱寶鞍

留得晚瓜過臘半藏來秋果到春殘  
親嘗橄欖寧論價  
自釀蒲萄不納官  
常歎不才還有幸  
滯留遐域得佳餐

再用韻

雲山疊疊復雲山瘦馬蘆鞭矮面鞍  
瀚海去程千驛遠  
揚州歸夢五更殘  
塵緣淡處應忘世  
逸興濃時好解官



二頃良田何必覓春山  
笋蕨亦供餐

和搏霄韻代水陸疏文七首

錄二首

新詩效玉起予深  
獨有搏霄我許心  
真跡居塵聊俯仰  
高名與世任浮沉  
同成雅會清茶話  
共賞枯桐白雪音  
他日歸休約何處  
燕山參謁萬松林

漁磯舊隱荻花深  
塵世寧忘昔日心  
兩岸清風單舸穩  
滿江明月一鉤沉  
飢來煮稻無兼味  
醉後鳴榔笑五音  
閑臥煙蓑春夢斷  
不知潮起沒青林

蠟梅

越嶺仙姿迥異常  
洞庭春染六銖裳  
枝橫碧玉天然瘦  
蕾破黃金分外香  
反笑素英渾淡抹  
却嫌紅豔太濃粧  
臨風浥此薔薇露  
醉墨淋漓寄渺茫

寄天山周敬之

當年傾蓋識君初  
爛飲天山駐使車  
秋去安仁空有賦  
鴈來公瑾又無書  
林巒紅葉如人老  
籬落黃華亦我疎  
為向天涯道岑寂  
強吟新句附雙魚

贈富察元帥五首

錄四首

使君排飯宴南溪不枉從君鳥鼠西  
春薤旋澆濃鹿尾臘糟微浸軟駝蹄  
絲絲魚鱠明如玉屑屑雞生爛似泥  
白面書生知此味從今更不嗜黃虀

筵前且盡主人心明燭厭厭飲夜深  
素袖佳人學漢舞碧髯官妓撥胡琴  
輕分茶浪飛香雪旋擘橙盃破軟金  
五夜歡心猶未已從教斜月下疎林

主人開宴醉華胥一派絲篁沸九衢  
黯紫蒲萄垂馬乳

輕黃杞攪燂牛酥金波泛蟻斟歡伯雪浪浮花點酪奴  
忙裏偷閑誰若此西行萬里亦良圖

閑乘羸馬過蒲華又到西陽太守家瑪瑙瓶中簪亂錦  
琉璃鍾裏泛流霞品嘗春色批金橘受用秋香割木瓜  
此日幽歡非易得何妨終老住流沙

壬午西域河中遊春四首

錄二首

二月河中草木青芳菲次第有期程花藏徑畔春泉碧  
雲散林梢晚照明含笑山桃還似識相親水鳥自忘情

遐方且喜豐年兆萬頃青青麥浪平

異域春郊草又青故園東望遠千程臨池嫩柳千絲碧  
倚檻妖桃幾點明丹杏笑風真有意白雲送雨太無情  
歸來不識河中道春水潺潺蒲路平

河中遊西園二首

錄一首

河中春晚我邀賓詩滿雲牋酒滿巡對景怕看紅日暮  
臨池羞照白頭新柳添翠色侵凌草花落餘香著莫人  
且著新詩酌芳酒西園佳處送殘春

西域從王君玉乞茶因其韻七首

錄一首

酒仙飄逸不知茶可笑流涎見麴車  
玉杵和雲春素月金刀帶雨翦黃芽  
試將綺語求茶飲特勝春衫把酒賒  
啜罷神清淡無寐塵囂身世便雲霞

庚辰西域清明

清明時節過邊城遠客臨風幾許情  
野鳥間關難解語山花爛漫不知名  
蒲萄酒熟愁腸亂瑪瑙盃寒醉眼明  
遙想故園今好在梨花深院鷓鴣聲

早行

馬馱殘夢過寒塘  
低轉銀河夜已央  
鴈跡印開沙岸月  
馬蹄踏破板橋霜  
湯寒卯酒兩三盞  
引睡新詩四五章  
古道遲遲四十里  
千山清曉日蒼涼

十七日驛中作窮春盤

是日早行始憶昨日立春

昨朝春日偶然忘  
試作春盤我一嘗  
木案初開銀線亂  
砂瓶煮熟藕絲長  
勻和豌豆揀葱白

西人煮餅必投以豌豆

細翦

萋蒿點韭黃也與何曾同  
是飽區區何必待膏粱

鹿尾

鑾輿秋獮獵南岡鹿尾分甘賜尚方  
濃色殷殷紅玉髓  
微香馥馥紫瓊漿  
韭花酷辣同葱薤  
芥屑差辛類桂薑  
何似檀根蘸濃液  
流匙滑飯大家嘗

劉秉忠

江邊晚望

沙白江青落照紅  
滄波老樹動秋風  
天光與水渾相似  
山面如人了不同  
千古周郎餘事業  
一時曹孟謾英雄



東南幾許繁華地長在元戎指畫中

九日蒲坦山

凌雲氣節鬢驚秋書劍荒寒事遠遊  
萬里嵐光乘馬背一川紅葉上鼇頭  
西風不管參軍帽絕塞空凋季子裘  
誰把茱萸念行役憑高拭目望神州

江上寄別

軍中無酒慰飄零辜負沙頭雙玉瓶  
鞍馬幾年南北路關河千古短長亭  
好風到枕客愁破殘月入簾歸夢醒

夢斷故山人不見曉來江上數峯青

江邊梅樹

江邊繚繞惜芳叢絕筆天真在眼中素艷乍開珠蓓蕾  
暗香微度玉玲瓏一枝倒影斜斜月滿樹浮光細細風  
明日行經山下路幾回特地駐青驄

春日效宮體

雨洗芳塵絕點埃桃花零落海棠開沉香亭小圍紅樹  
太液池清映綠苔夜月也曾懸漢殿朝雲何只在陽臺

六宮簾捲東風軟一派仙音翠輦來

寄友人

悠悠離閨感中年我輩情鍾豈不然好景與時渾易過  
可人和月只難圓五更殘夢雞聲裏千里歸心鴈影前  
漠北雲南空浪走今春又負杏花天

勸友人酒

西風落葉共蕭颼百感中來不自由豪客空攜鐵如意  
舞孌徒費錦纏頭曳過雨脚雲歸岫湧出山頭月滿樓

一曲清歌一盃酒為君洗盡古今愁

客興

關河牢落別離中到處題詩記轉蓬  
啼鳥不知春是客落花還逐水流東  
雲開千里遠山碧樓映半溪殘照紅  
雌蝶雄蜂不同類雙雙相趁舞迴風

宿中山乾明寺

客散關門厭事譁爐香滿屋臥煙霞  
人辭故里凡三載僧到伽藍自一家  
夢破小窗浮月色漏殘寒角奏梅花

天明又上潯陽道  
駕水歸程漸有涯

晚遊

山水清佳自在遊  
利名莫莫復休休  
瘦筇此日真忘世  
長笛何人效倚樓  
鴉落點成千樹墨  
鴈飛橫絕一天秋  
歸來小院松梢上  
新月低斜玉一鉤

樓上

睡起重持金屈卮  
要憑芳酒緩離思  
醉魂屢作還山夢  
吟興多因寄友詩  
千里波光風定後  
一樓山色雨晴時

碧雲望斷佳人遠  
投樹棲鴉已滿枝

睡起

連歲驅馳萬里程  
碧臺歌舞笑爭名  
山中猿鶴丹心在  
塞上風煙白髮生  
對客倦談當世事  
向人難悉未歸情  
雪花亂打西窗急  
總似芭蕉夜雨聲

寄張平章仲一

春光滿眼酒盈罇  
難得同觀易見分  
秋氣著人涼似水  
晚山和我淡如雲  
清歌月影簷頭轉  
殘夢鐘聲枕上聞

玄鳥欲歸黃鳥斷詩哦伐木正思君

過天井關

雲冷風高天井關  
太行嶺上看河灣  
九州占絕中原地  
一壑攔迴左界山  
王霸分爭圖未捲  
英雄鏖戰血猶殷  
華陽春草年年綠  
汗馬南來不放閑

郝經

秋興五首

錄一首

永夜漫漫苦飯牛  
北溟誰下釣鼃鉤  
拘雲琢句鬼神泣

倚劍長歌天地愁  
日暖桃源秦世外  
月明蘭國楚江頭  
但能握節終吾事  
絕食猶輕漢五侯

老馬

百戰歸來力不任  
消磨神駿老駸駸  
垂頭自惜千金骨  
伏櫪仍存萬里心  
歲月淹延官路杳  
風塵荏苒塞垣深  
短歌聲斷銀壺缺  
常記當年烈士吟

南堂即事

長夏禪房絕點埃  
鬱蒸襟袖迴然開  
半軒流水移天去



滿榻雄風送雨來不記閑愁千萬種有時清唱兩三杯  
輕鷗也自知人意浮入驚波却便回

大宛二馬

天廐所育詔  
錫張蔡公

二馬飄飄萬里來玉花蕭颯上金臺風生兩耳雲霄近  
雷掣雙瞳日月開渥水虎文連殺氣大宛龍種絕氛埃  
將軍正欲成勲業看汝驍騰展驥才

落花

彩雲紅雨暗長門翡翠枝餘萼綠痕桃李東風蝴蝶夢

關山明月杜鵑魂玉闌煙冷空千樹金谷香銷謾一尊  
狼籍滿庭君莫埽且留春色到黃昏

次韻荅王國範

薄寒孤影澹黃昏步出空齋自掩門霜落池萍清見底  
風彫庭樹靜歸根天高鴈去人千里江闊烏驚月一痕  
兩國音塵俱斷絕幾年懷抱與誰論

靜香亭二首

錄一首

南風吹綠滿庭槐門巷脩然絕點埃紅玉生煙塵世隔

錦幃遮日洞天開  
鷺知好客飛無語  
蝶為新花去復來  
好著生前無限酒  
浩歌長醉亂霞堆

曉渡溱河

旌旗斷續出林巒  
部曲喧阗過石灘  
殘月沒時愁地險  
宿雲收處覺天寬  
自知不武還為將  
漫使閑身也屬官  
落盡黃榆秋色老  
楚山清曉石樓寒

營獨山谷

秋風獵獵建牙旗  
月澹昏昏黃馬嘶  
區脫定時林影黑

邏兵行處草聲低豺狼遠跡終宵遁  
烏鵲驚飛到曉啼  
中夜幾回還自惜缺壺歌罷意淒迷

孟少保後園瑞香

羽葆層層擁細花早梅斜映隔山茶  
兩三叢裏氤氲氣  
數百年來富貴家雕玉香濃團瑞雪  
翠翹春暖插輕霞  
主人一去無消息庭戶蕭疎落晚鴉

月母

小艇移來江漲橋盤盤矮矮格仍嬌  
丹霞皺月瑯紅玉

香霧凝春翦絳綃一種是花偏富貴三冬無物比妖嬈  
廣寒記憶曾攀折滿殿光搖照紫霄

山茶大者曰月丹  
又大者曰照殿紅

伴使秦文舉欲入維揚故賦詩以見意

東風吹落瓊花雨南浦潛生荔子煙夜久有懷聞獨鶴  
春歸無語怨啼鵲天沈海底涵金鎖日隱黿頭頓玉鞭  
千尺絲綸萬年井文園消渴竟誰憐

芍藥

王承宣送揚  
州芍藥數本

夜來風雨洗殘春芍藥還開春又新入座忽驚持酒客

舉杯先酌送花人  
煙輕雪膩丰容質  
露重霞香婀娜身  
鐵石肝腸總銷鑠  
都將軟語說風神

鏡薌亭

薄薄輕雲似霧塵  
陰陰江氣冷侵人  
一庭芳草留連客  
兩樹夭桃斷送春  
檻外流鶯仍語巧  
梁間旅燕又巢新  
東城飲伴西湖柳  
寒食中間入夢頻

甲子秋懷

江館無家久似家  
西風院落老天涯  
黃纒薯蕷猶多葉

綠擁芙蓉尚未花  
紗幕墜塵歸晚燕  
宮池生草窟秋蛙  
枯腸欲斷誰濡沫  
擊柝聲中夜煮茶

己巳三月二十六日

夢遊故國人仍獨  
春到空梁燕自雙  
雲淡星疎祇見斗  
浪平風定不聞江  
五更鼓角纏孤枕  
千里關河入破窗  
落盡好花春又老  
依然塵土暗金釭

楊奐

寄商孟卿

一望東原一惘然  
芸窗誰與伴  
高眠秋風有意招張翰  
春草無由見惠連  
王母信音青鳥外  
溪翁心事白鷗邊  
殷勤為向侯芭道  
判却殘年老大玄

長安感懷

此心只欲作東周  
再到長安已白頭  
往事無憑空擊楫  
故人何處獨登樓  
月搖銀海秦陵夜  
露滴金莖漢殿秋  
落日酒醒雙淚眼  
幾時清渭向西流

試萬寧宮



月澹長楊曉色清  
天題飛下寂無聲  
南山霧豹文章在  
北海雲鵬羽翼成  
玉檻玲瓏紅露重  
金爐縹緲翠煙輕  
誰言夜半曾前席  
白日君王問賈生

至日

憶初年少在南梁  
兄弟歡遊久未忘  
春色共傾花底酒  
雨聲常對竹邊牀  
怒鯨一夕掀洪浪  
斷鴈何時續舊行  
辜負亂來同被約  
尺書不到十年強

劉祁

南京過山樓

倚天突兀聳高樓樓上人家白玉鉤落日笙歌迷汴水  
春風燈火似揚州仙人已去名空在豪客同來醉未休  
獨倚朱闌望明月鸞旌依約認重游

杜煥

環翠亭宴飲

坐客終朝望眼西好山高與暮雲齊鶴鳴漁浦天風急  
鼇背仙宮海浪低千古地形雄妹土一川煙景勝耶溪

歌聲喚起凌波夢蓮葉香深路欲迷

楊惟中

棲巖寺

煙鎖蓮宮縹緲間巖松鬱鬱插雲端  
遠看大華三峰秀俯視河東一水寒  
樓觀恍然驚世夢是非應不到長干  
我來暫與高人話不覺斜陽下玉闌

許衡

繼人葵花韻

戎葵花色耀深濃偏稱脩叢映短叢絳臉有情爭向日  
錦苞無語細含風舒開九夏天真秀壓倒千年畫史工  
但恨主人貧且窶不教相對舞衣紅

遊孫氏別墅

聞道孫家別業新招呼諸子共尋春紅韜瘦藟花初動  
黃染輕梢柳未勻興況便為生意好風光殊比畫圖真  
何當對此常無事慰我年來老病身

學題武郎中桃溪歸隱圖二首

桃溪風景寫橫披，渾似秦人避亂時。  
萬樹春紅羅綺，一灣晴碧捲琉璃。  
飲中更聽琴聲雅，靜裏初無俗事羈。  
他日君侯歸此隱，肯容閑客日追隨。

門外鞦韆擺翠煙，籬邊雞犬亦閑閑。  
更教爛漫花千樹，對著縈紆水一灣。  
好景已憑摩詰畫，他年重約長卿還。  
尋思此世人心別，又愛功名又愛山。

春雪

玉塵如糝滿東風，人道天教兆歲豐。  
麥已埋深郊外綠，

花都封却樹頭紅  
半年枯槁從今潤  
千里芳菲是處空  
為問王孫與農叟  
憂歡應見兩難同

偶成

屈指年華四十三  
歸來憔悴百無堪  
遠懷未得生前遂  
俗事多因困後諳  
百畝桑麻負城邑  
一軒花竹對煙嵐  
紛紛世態終休論  
老作山家亦分甘

楊果

洛陽懷古

洛陽雲樹鬱崔嵬  
落日行人首重回  
山勢忽從平野斷  
河聲偏傍故宮哀  
五噫擬逐梁鴻去  
六印休驚季子來  
惆悵青槐舊時路  
年年無數野棠開

張弘範

初夏

醉窗睡足碧紗涼  
簾捲薰風燕子忙  
滿地落花驚晚吹  
一溪流水帶斜陽  
等閒歲月過難再  
牢落功名拙自傷  
青鏡祇愁霜鬢改  
光陰空老郭汾陽

新蟬

齊宮怨女夢初驚，猶對薰風訴別情。  
一自返魂遺舊夢，便將秋恨入新聲。  
斷橋高柳天將暮，落日空山雨乍晴。  
鐵石肝腸人聽得，也應白髮為君生。

雛燕

羽毛香潤態含癡，睡足雲兜力尚微。  
喚母但能啾唧語，戀巢猶倦往來飛。  
薰風庭院簾初卷，落日池臺人乍歸。  
白鳳赤龍渾異事，爭如隨分著烏衣。



迷懷

春風滿鬢綠鬕鬆  
落落胃懷氣吐虹  
節操自知堅雪竹  
行藏未必屬秋蓬  
歌終牛角兩行淚  
舞徹雞聲一劍雄  
肯似少年場上客  
笙簫日醉軟香中

過雙塢

千丈黃塵倦客途  
林梢遙認兩浮屠  
數家荒店留行李  
一帶遙山入酒壺  
勲業壯年勞夢寐  
等閑老境寄江湖  
前途默默深蒼海  
惆悵西樓日向晡

風柳

澹澹池塘近楚宮，綠腰裊娜學盤中。  
亂搖芳草飛輕白，細塔朱闌拂落紅。  
枝上嬌鶯啼恰恰，樹邊舞蝶意匆匆。  
東君應著吹噓力，要把春愁一掃空。

共賦行田

不屑人間事業忙，日迷歌舞少年場。  
樓臺夜月延佳客，花竹春風擁謝娘。  
笑倩釵金挑燭影，醉嫌杯玉擘橙香。  
誰知原上農家子，鞭梠殘星曉露涼。

張易

送魯齋先生歸山

袞袞諸公入省闈先生承詔獨南歸  
道逢時否貧何病老得身閑古亦稀  
行色一杯燕市酒春風二月故山薇  
到家已及蠶生日布穀催耕隴麥肥

徐世隆

送天倪子還泰山

九十行年髮未華道人風骨飽煙霞  
洞天福地三千里

神府仙閭第一家牛膝藥靈斟美醞兔豪盞淨啜芳芽  
隱居自愛陶弘景莫作山中宰相誇

劉因

登雄州城樓

古戍寒雲接渺茫故鄉遊子動悲涼江山自古有佳客  
煙雨為誰留太行野色分將愁外綠物華呈出夜來霜  
海門何處秋聲急極目滄波空夕陽

入山

草露蛛絲晴日明  
亂蟲秋意有先聲  
屈盤未轉坡陀盡  
蒼翠忽從懷抱生  
一徑峯回失南北  
兩山雲近異陰晴  
天公若會登臨意  
可信傷心畫得成

山中月夕

滿懷幽思自蕭蕭  
況對空山夜正遙  
四壁晴秋霜著色  
一天明月水生潮  
歌傳巖谷聲豪宕  
酒泛星河影動搖  
醉裏似聞猿鶴語  
百年人境有今朝

曉出西塘

塘水隨人緩步行  
哀湍激石故輕清  
太行穠秀霜洗淨  
全趙規模天鑿成  
偶為登臨發悲咏  
忽從毛髮散秋聲  
殷勤莫盡尊中酒  
留到青山佳處傾

野草會飲

行樂人生當及辰  
今朝光景為誰新  
林陰薄薄微露日  
花氣溶溶暖著人  
春色十分看欲盡  
鳥聲千種聽難真  
東風就手吹殘酒  
無限青山動翠鱗

過鎮州

太行迎馬鬱蒼蒼兩岸灘聲帶夕陽  
霜與秋容增古淡樹因煙景恣微茫  
閱人歲月真無謂得意江山差自強  
曾記城南舊時路十年回首儘堪傷

### 高亭

高亭雲錦遶清流便是吾家太一舟  
山影酒搖千疊翠雨聲窗納一天秋  
襟懷灑落景長勝雲影空明天共遊  
笑向白鷗問塵世幾人曾信有滄洲

### 夏日即事

迂疎爭笑近清狂多病筋骸可預防  
久乏園蔬因種藥不留窗紙為抄方  
閑從鳥雀分晴晝靜與蛩螢共晚涼  
莫道幽人好標致北窗自古有羲皇

夜雨

夢覺呼童問幾更未應先作不平鳴  
山深六月有秋意夜靜滿城惟雨聲  
四海虛名此身媿百年浮世寸心驚  
誰教簷溜如愁思欲斷還連直到明

夏日飲山亭



借住郊園舊有緣  
綠陰清晝靜中便  
空鉤意釣魚亦樂  
高枕臥遊山自前  
露引松香來酒盞  
雨催花氣潤吟牋  
人來每問農桑事  
攷證牀頭種樹篇

飲聞雞臺

出門人事厭紛紛  
春色三分已二分  
十步離山九回顧  
一杯到手百無聞  
蒼茫天地有如此  
磊落古今何獨君  
欲向荒臺問遺跡  
水明沙浦只行雲

秋郊

行過青林徑欲還誰家茅屋在林間雲初湧出半含雨  
風漸吹開微露山世味嘗來知嬾貴物華老盡覺秋閑  
天開勝境為詩敵未許幽人穩閉關

宿華陽臺

石徑盤盤擁亂霞雲間雞犬是誰家空山月出人境失  
高樹露涼秋氣加蜀道青天休種杞武陵流水漫尋花  
太行東北三千里盡借晴嵐染鬢華

渡白溝

薊門霜落水天愁  
匹馬衝寒渡白溝  
燕趙山河分上鎮  
遼金風物異中州  
黃雲古戍孤城晚  
落日西風一鴈秋  
四海知名半彫落  
天涯孤劍獨誰投

遂城道中

鐵城秋色接西垣  
遠客還鄉易斷魂  
霸業可憐燕太子  
戰樓誰弔漢公孫  
冷煙衰草千家塚  
流水斜陽一點村  
慰眼西風猶有物  
太行依舊壓中原

避暑玉溪山

風露撩人儘力清也應知我到禪局秋聲滿谷有生氣  
山意帶煙成遠形皎月欲升天失色白雲初出樹留青  
他年若訪經行處合有先生避暑亭

留題山房

靈風縹緲竹花飛怪石參差樹影齊壺裏有天藏日月  
杯中無海飲虹蜺松生太古鶴應識路入白雲山盡低  
萬里黃塵一回首微茫煙水意悽迷

春遊

巧穩林亭無四鄰  
背山向水得天真  
風光正及二三月  
童子同來六七人  
十日得閑須小醉  
一年最好是深春  
鳥聲似向花枝說  
曾見無懷有此民

賦孫仲誠席上四杯

仲誠命題  
彥通舉韻

螺

注瓦傾銀竟若何  
紅珠元稱卷金螺  
微茫山意詩痕在  
澹澹江聲飲興多  
聖處已分糟與蟹  
醉來唯見酒成波  
千年醒殺江魚腹  
應恨生身在汨羅

荷

碧筩和露卷晴霞錦浪隨鯨落晚沙風趁歌聲來弄葉  
酒知人意要浮花胷中壁立三峯玉醉裏神遊太一家  
明日清霜看紅翠人生容易鬢成華

桃

希夷尊俎永相望混沌鑿開見此觴金橘有天容逸老  
青田無地避餘香雲中招隱留仙掌物外尋真得醉鄉  
試向峨眉問啼鳥人間紅雨幾斜陽

後蜀記劉先祚進  
桃核杯云得之華

山陳  
持

橙

瀟湘千樹暮林平  
風露詩腸快一傾  
蜜蕊金絲仍可意  
香分綠蟻最關情  
洞庭春色元無恙  
楚澤幽蘭恐未清  
惟辨酒船千萬斛  
棹歌和月卷江聲

即席以韻課諸生東齋諸物

錄五首

遠山筆架

痕字

何物能支筆萬鈞  
案頭依約遠山痕  
燈橫煙影隱猶見

秋入霜毫勢欲吞掌上三峯看太華人間一髮是中原  
中書未免從高閣不向林泉怨少恩

梅枝

枝字

鐵石心腸冰玉姿掌中潛得歲寒枝天教一握藏春密  
風覓餘香就手吹雪月冷懷隨步履溪山高興入支頤  
玉堂若要扶持用說與東君也不知

醉梨

寒字

白雪春香洗未殘元霜誰遣凍成團涑封圓顆盤增滑



蜜和濃漿齒避寒綠蟻從今忘病渴金花無地著餘酸  
快人風味依然在莫作尋常軟熟看

玉簪

香字

花中冰雪避秋陽月底陰陰鎖暗香玉瘦每憂和露滴  
心清惟恨有絲長且留宛轉圍沈水莫遣聯翩入粉囊  
只許幽人太相似蒼苔疎雨北窗涼

秋蓮

空字

瘦影亭亭不自容淡香杳杳欲誰通不堪翠減紅銷際

更在江清月冷中擬欲青房全晚節豈知白露已秋風  
盛衰老眼依然在莫放扁舟酒易空

黑馬酒

仙酪誰誇有太玄漢家桐馬亦空傳香來乳面人如醉  
力盡皮囊味始全千尺銀駝開曉宴一杯瑤露灑秋天  
山中喚起陶弘景輾飲高歌敕勒川

次韻荅河間趙君玉見寄

出門紛擾互相尋常使幽人嬾病深前月借書來水北

去年采藥到城陰黃精已倩徐生斫蒼朮新教石老尋  
只有煙霞肯賒借無人曾送買山金

憶郝伯常

一檄期分兩國憂長纓不到越王頭玉虹醉吸金陵月  
元鶴孤遊赤壁秋漠北蘇卿重回首天南王粲幾登樓  
飛書寄與平南將早放樓船下益州

閻復

送李兩山再使安南

往年御節使荒遐風節堂堂衆所誇萬里朱厓鱗介比  
一星銀漢斗牛槎轉輸已息江南郡烽燧還清瘴海涯  
垂索歸來見天子又攜恩詔撫皇華

梅杖

揀徧西河萬玉珂春風入手重摩挲聞青龍竹能香否  
較品鳩藤奈俗何聲破夢寒霜滿戶影隨詩瘦月橫波  
只知功到調羹盡不道扶持力更多

李思衍

見王參政

獵獵風沙透紙窗  
地爐火歇冷侵牀  
一聲孤鶴唳殘月  
幾杵疎鐘敲曉霜  
黍律噓春燕  
谷暖梅花入夢楚  
天長  
歸期乞趁東風軟  
醉裊絲鞭吟綠楊

妙高臺

危亭新構客持觴  
雨挹闌干面面涼  
煙外好山供水墨  
風前老樹奏笙簧  
接天淨綠秋江白  
著地形雲晚稻黃  
騷裊絲鞭歸興逸  
水晶宮殿桂花香

會同館

萬間頂額翠光團千尺廊腰眼界寬  
鴨脚參天風雨老

館乃亡金之義王府懷遠堂前雙杏大王所植

龍髯蟄地雪霜寒

燕寒葡萄經秋蟄藤於地

庭花飛墨空遺恨  
宮葉流紅不忍看  
古往今來只如此  
夕陽搔首倚闌干

華蓋樓

三十六坊如掌平  
長橋短艇水縱橫  
銀河一道江連海  
畫障四圍山繞城  
老樹煙雲春綠暗  
小樓簾幕曉紅明

陰陰翠影誰家屋夢覺草池鶯一聲

隆山堽院

峯頂浮圖第幾重四天塵界盡虛空縣居島嶼縈迴處  
海在煙霞變黠中浴水垂盤暘谷日轟雷輦鼓怒濤風  
蓬萊咫尺闌干底平步長橋跨玉虹

見維揚崔左丞

十里珠簾一半垂揚州風物最宜詩平山倚檻歐陽子  
明月吹簫杜牧之吟筆新添梅鼎手歌樓爭覓竹枝詞

濡毫願逐奚奴後描盡春風芍藥枝

張立道

奉使安南

遙坐蒼煙鎖暮霞市朝人遠隔喧譁孤虛庭院無多所  
翁翳園林只一家南注雄津天漢水東開高樹木綿花  
安南雖小文章在未可輕談井底蛙

陳祐

老農二首



北疇南莊幾老翁力田還與子孫同  
倉箱歲計西成後  
水土君恩北望中  
磁甕瓦盆轟夜飲  
村簫社鼓賀年豐  
醉歸不記匡牀臥  
月上積垣草屋東

飄蕭雙鬢似飛蓬  
樸野中存太古風  
雨宿雲耕為出處  
麥秋蠶月見窮通  
雍熙自入唐虞化  
隱釣能談禹稷功  
馬首不知緣底事  
洗杯來壽使君公

崔斌

題金山

浩浩長空天際來中流砥柱獨崔巍風搖萬壑秋聲動  
潮捲千堆雪浪迴山勢參差現靈鷲海波遼闊隔蓬萊  
夕陽不盡登臨意倒瀉滄溟入酒杯

王惲

清明日錦隄行樂

浪說蘭亭禊事修年年春好錦隄遊花翻舞袖驚歌板  
柳隔高城暗酒樓綠樹恐應春事老金鞭重為使君留  
竹西路晚歸時醉何處珠簾半上鉤

雨中與諸公會飲市樓

每恨人生會合難興來一醉盡君歡  
雨沾翠佩簾花細酒凸金杯飲興寬  
胡旋舞低翻翠袖串珠喉穩怯春寒  
朝來酒醒蓬窗下依舊春風首蓓盤

登凌雲閣

布衣塵滿戴儒冠風袂來登上將壇  
棟藻雲飛朱拱溼簷牙霜重玉梯寒  
風煙遠勝籌邊迴氣勢雄吞汴水乾  
經略江淮有成算不須重展地圖看

鎮州懷古

趙武雄圖不可尋  
風煙東接九門深  
炎涼到此分南北  
戰伐無情自古今  
彈躡流風猶戰國  
椎埋遺俗帶燕音  
劍歌不遇平原客  
落日滹沱動旅吟

賦西域鸚鵡螺杯

老月淪精射海波  
珠繩分秀貫神螺  
鷗斑漬粉垂金薤  
鸚喙嫌寒縮翠窠  
樽出瘿藤紋浪異  
瓢成椰子腹空皤  
飲餘疑與溪娘遇  
一笑相看發浩歌

宛葉道中

六合雲蒸一氣靈，漫漫長路渴生埃。  
詩從白雨明邊得，人自青山盡處來。  
世路有機難預料，劇談供笑不時開。  
濟時賴有諸君在，漢苑秋風愧不才。

夏縣道中

溼雲壓樹際，崗平溽暑還。  
因小雨增官事，困人如縛虎。  
秋風吹野夢，翻鷹趨時未必儒。  
冠誤並隱端，為野鶴憎。  
遙憶筠溪亭下水，萬竿蒼雪照吟燈。

題趙宣撫樊川山中雜詠

蒼崖如削靜煙霏中有高人住翠微  
夜鶴聽琴依蕙帳曉泉和月落山扉  
一龕靜體炎涼理兩眼深明倚伏機  
畢竟名高難久臥野猿偷褫芰荷衣

同馬才卿暇日登昊天寺寶嚴塔有懷

高標直上跨蒼穹物外方知象教雄  
九陌市聲開曉色兩都喬木動秋風  
遙憐漢馬屯湘渚安得長書附塞鴻  
寂歷村墟野煙外誰教簾幙夕陽紅

糟魚

霜刀截斷玉腴芳  
暖貯銀罌釀粉漿  
錦尾帶頰傳內品  
金盤堆雪喜初嘗  
解醒未減黃柑美  
雋味能欺紫蟹香  
一筋饜餘乘醉臥  
夢橫滄海聽鳴榔

過沙溝店

高柳長塗送客吟  
暗驚時序變鳴禽  
清風破暑連三日  
好雨依時抵萬金  
遠嶺抱枝圍野色  
行雲隨馬弄輕陰  
搖鞭喜入肥城界  
桑柘陰濃麥浪深

山陽偶與大繼長相遇自辛亥年相別至今廿八年矣追念疇昔作詩為贈

解鞍林下振清埃懷抱樽前得好開白髮滿頭心事在  
青山當眼故人來風流自有高賢識感慨還深漂母哀  
讀盡深香轉蕭爽清吟不到伯倫臺

深香係繼長父宜之文集號曰深香

閒適予此行本擬遊百巖不果故云

種玉亭

徐子方宣慰有詩因擬作

靈沼雲深寶氣存素蘂一夕發芳根煙中髣髴溪娘語



波面輕盈越女魂  
江月借妝增皓彩  
露華和屑貯芳溫  
夜深更待瑤環供  
細挹秋香共一樽

桃花菊

一名胭脂紅

淚洒明妃寄露葩  
換根非為貯丹砂  
黃輕白碎空多種  
碧爛紅鮮自一家  
騷客賦詩憐晚節  
野人修譜是頭花  
九秋霜露無情甚  
時約行雲護彩霞

秋懷

醉頭扶起日三竿  
埽罷幽軒到藥闌  
傍架整齊書帙亂

繞籬料理菊枝殘日融虛閣留餘暖雨積高空促早寒  
處置身心閒裏過不將勲業鏡中看

清明後一日雨中招林韓李三君子小酌且為

梨花洗妝

時新植梨花  
一株盛開

花滿金壘酒滿樽一杯歡飲得佳賓近年樂事無今歲  
此際閑身有幾人祿美勝於三品料臘香清徹六根塵  
風簷數點催妝雨辨與梨花作好春

三山元日

臺熱天香簇絳紗三山簫鼓樂年華竹枝歌後多淫祀  
燕子歸來識故家荷鬢開妝餘翠貝蔬盤勻釘雜魚鰕  
殊方風物雖堪賞爭遣衰年客海涯

近讀夜永不寐等作覺清而頗寒吾恐傷中和  
而病吾子也因復繼前韻假辭而薰炙之亦晁  
補之擬騷之遺意也

燭影紅搖夜色侵香添菱葉鬱重衾鳳琶調軟歌能合  
竹葉杯深醉易沈綠鬢追歡燕市樂翠屏歸夢越江吟

平明剝買扶頭酒不向諸兒計索金

題香山寺畫卷

送客當年過玉泉醉中遊賞得奇觀  
泓湛碧浮僧鉢幾葉秋黃打石闌  
山色空濛金界溼松聲清泛海波寒  
吟鞭回首都門道斜日歸時翠滿鞍

謝徐容齋贈梅

燕釵宮額蠟妝勻夢繞羅浮雪裏村  
持贈一枝遮老眼淡依疎影度黃昏  
風流燈下佳人面瀟灑吟邊竹葉樽

我老忘情被花惱曲屏深鎖惜芳溫

程鉅夫

送人赴浙東木綿提舉

曾歷金華三洞天風流歷歷記山川  
柏林白綻梅花小柿實紅垂橘彈圓  
訪古但聞羊化石因君又喜木生綿  
風霜渾似當時峭愁絕雙溪八韻篇

和王寅夫郎中元日立春

馬蹄塵裏度芳辰帶得陽和到七閩  
山翠依天迎好客

風光滿地屬吟身。高情古柳仍青眼。時態夭桃自絳脣。  
從此不憂江海遠。春官袖有十分春。

寅夫惠教遊鼓山四詩。細讀如在劣前杖屨間。  
想像追和用堅重遊之約四首。

城市林泉隔幾關。半生幽興欠閩山。久聞劣前高寒處。  
一望蓬萊縹緲間。有約同看紅日上。無端獨占白雲閒。  
錦囊收拾奇觀了。物色分留肯破慳。

足力猶堪敵瘦筇。擬乘寺頂最高峯。杯吞東海一勺水。

鞭起南湫久臥龍佛界須臾三萬劫神山杳靄幾千重  
煩公更泚如椽筆摹寫雲天不盡容

炎方春淺未如焚花木迷人意欲曛福地同游勝獨往  
中天一覽破千間於今難擬高唐賦何日重開衡岳雲  
眼底琉球彈丸耳樓船曾見漢家軍

去天萬里此相遭攬轡無功敢告勞賸貯冰霜消瘴癘  
尚疑風雨隔清高一年花事成佳蔭二月春江息怒濤  
細嚼公詩如橄欖挽回塵俗入風騷

寅夫示再登鼓山四詩僕雖不獲同游然來詩

不可虛辱次韻奉謝且致歸班之餞

錄二首

勝處心知只耳聞却因君句得奇芬海天昏黑龍行雨  
樓閣青紅蜃吐雲仙境煙霞從痼疾詩家風月要平分  
悠然佳興誰能敗俗吏當前自糾紛

眼前培塿足縈纏去去瀛洲大洞天一息南溟能幾月  
再行東海定何年江淮巨浪千堆雪榆柳中原萬里煙  
解視歸裝還不俗有詩曾酌瘴鄉泉



次韻寅夫晚涼感事

初夏微風作嫩涼傷春一夜鬢毛蒼  
紅芳寂歷午陰綠  
白晝須臾晚照黃  
濺淚露葵空滴滴鎖愁煙柳自行行  
絕憐熠燿倉庚羽曾帶千門麗日光

寄閻子靜唐靜卿二翰長

故人天上近何如  
白玉堂中足寶書  
燭徹宮蓮三鼓後  
露漙仙掌九秋初  
江湖正共丹心老  
魚鴈全如綠鬢疎  
西北闌干天咫尺  
欲乘黃鶴却躊躇

送尹生歸江西

江漢秋深鴈過稀  
悠悠歸思夢先知  
輸君去住無多事  
顧我留行待幾時  
野岸曉光千棹急  
平湖寒影數峯欹  
拍肩試向洪崖說  
儻有黃花覓一枝

送戴道士住天台

君承恩命住天台  
萬壑千峰繞絳臺  
門外霞川浮溟滓  
杯中雲海接蓬萊  
時同野鶴看桃去  
或領山猿採藥迴  
三十年前我亦到  
舊題應入白雲堆

葉李

壽馮大使


帝遣皇華遠有光可能白首老中郎雲臺偉蹟推馮翼  
天榜魁名說馬涼花柳無私春鼎鼎松椿不老歲蒼蒼  
傳聞又攬澄清轡一道平反福更長

御選元詩卷四十二

謹案第二頁前六行昔年萍水便相尋刊本萍訛

平據耶律楚材湛然居士集改





總校官庶吉士臣侍朝

校對官檢討臣蕭九成

謄錄監生臣朱文佐

欽定四庫全書薈要

集部

御選元詩卷四十三



詳校官原任主事

臣李斯咏



欽定四庫全書薈要卷一萬八千四百五十五

集部

御選元詩卷四十三

七言律詩二

楊仁風

送楊治中例免北歸

不及瓜時謝政還  
離筵草草送歸鞍  
將身許國心元壯  
立事無功興易闌  
萬疊雲山孤劍晚  
一鞭風雪短亭寒  
馬頭依舊長安道  
未是人間行路難

張野

壽李秋谷

璿階曾共近清輝  
一旦雲鵬九萬飛  
再入中書今亦有  
兩封上國古全稀  
霜侵吟袖趨朝去  
香惹官袍侍講歸  
同使斯文躋壽域  
且休回首北山薇

元淮

郊行

城東一簇野人家  
門枕清流淺帶沙  
籬角欲晴喧燕雀

門前過雨溼桑麻橋因春水三番斷柳礙東風一向斜  
景物似知寒食近村村開遍野棠花

蘇堤秋宴

南北高峰鎖翠雲山藏樓閣帶煙輕欲凋楊柳猶貪舞  
半破芙蓉未老成波底畫橋天上動湖邊珠翠鏡中行  
水晶萬頃浮波面照出孤山分外清

郭昂

客燕

昨夜鄉關入夢遙  
月明魂斷更難招  
髻邊白髮愁能種  
囊裏黃金日易銷  
尺璧自慙投暗室  
前途何處是青霄  
龍沙見說難容客  
八月尖風徹敝貂

簡杜季明

白髮刁搔五十餘  
也隨時宦覓新除  
功名未了牀頭劍  
活計空存架上書  
蟲臂敢勞私造化  
獐頭深愧強趨趨  
春風但假吹噓力  
早趁花期到敝廬

偶感

滿眼黃塵興已闌  
閉門高卧且加餐  
一燈兒女團圞易  
千古風雲際會難  
檐外日暄捫蝨坐  
庭前月出舉杯看  
翠藤儘著參天長  
不與孤松並歲寒

陳伯通

海青馬生肝

驚呼乳盜意恁恁  
便覺餘香鼻觀通  
露滴冰盤藍玉軟  
風生霜刃碧囊空  
舞娘驚濺羅衣綠  
酒客潛消醉臉紅  
若使昔人知此味  
羊頭爛煮不成功

劉懷遠

明秀亭

明秀亭前水渺茫山明水秀類瀟湘  
闌干十二東風軟蝴蝶一隻春晝長  
沙暖偏宜鷗鷺宿城高不隔芰荷香  
晚來公府無餘事閑伴詩人入醉鄉

皇甫湜

遊澤州青蓮寺

斜分一徑下林巒金碧觚稜紫翠間  
羣嶺秀攢青茁茁

孤峰突出玉湖山鑿開一屋乾坤小占斷千年日月閑  
浩浩兵塵滿河朔天風吹不到禪關

王柔

吳江即景

浩浩澄江杳若空飛梁橫截與天通深春風豁前山暝  
清曉潮乘北海風日月盡從金鑑出乾坤都在玉壺中  
明朝即入盤門去俗事塵心未易窮

方回

次韻劉元輝初寒夜坐

并序

元輝示新詩其初寒夜坐有云四壁兒糊如暖障  
一燈妻占補寒衣清灑有味因獨和此一篇為謝  
山肩寒聳月隨歸櫓拙爐紅閉板扉跨竈郎來溫課冊  
齊看人為摺深衣花傳喜信燈如語草就佳篇字欲飛  
舊日聲名劉夜坐能傳家鉢似君稀

偶亦夜坐用前韻

林禽畏冷暮爭歸水上荒城早闔扉敲月會恭迎阜衲



斧冰供茗喚青衣  
甃其老馬廐中響  
瞰燭癡蛾窗外飛  
忽報樓頭禁鐘動  
平生樂事歎今稀

湓城客思

客懷歷落事多違  
歎息流光似箭飛  
雪後萋萋初薦酒  
花前蛺蝶欲穿衣  
熟知江水磨今古  
難向春風問是非  
悵望廬山但愁絕  
萬重雲鎖幾禪扉

二月十五晚吳江二親攜酒

今日山城好事新  
客來誇說齒生津  
喜晴郊外多游女

歸暮溪邊盡醉人  
鮮筍紫泥開玉版  
嘉魚碧柳貫金鱗  
一壺就請衰翁飲  
亦與花朝報答春

大雪出三橋寓樓

凍雀愁鳶噤不譁  
漫天浩瀚逐風斜  
映樓橫過三千丈  
接屋平鋪十萬家  
靜夜有窗皆貯月  
寒空無樹不開花  
詩成欲撚冰鬚斷  
聊舉深杯荅歲華

留題槃隱高士王子由書齋

萬宇橫陳碧瓦齊  
濃嵐淡靄總詩題  
隔江煙樹窗中細

過海風檣檻外低  
琴僅可絃星半缺  
壁因欲畫雪新泥  
南華卧讀兩三卷  
猶喜晴簷日未西

次韻公爾佳子括吳山晚眺

詩眼書胸碧宙寬  
暮天搖落縱遐觀  
霜明楓葉紅於染  
春點梅梢玉不寒  
北望遙迎書雁至  
南烹屢饜鱸魚殘  
一規明月懸江海  
幾許人家夜枕安

戴表元

杭城風雨中簡子昂

五月錢塘風雨秋懷人頻倚面山樓雲收樹色遙成海  
水作江聲暗入溝一斗盡輸無事飲千金不買辟寒裘  
自憐寂莫無元學車馬門前過似流

林村寒食

出門楊柳碧依依木筆花開客未歸市遠無錫供熟食  
村深有紵試生衣寒沙犬逐遊鞍吠日落鴉銜祭肉飛  
聞說舊時春賽罷家家鼓笛醉成圍

十月朔旦寄貴白兄弟

黃牛村前秋葉飛青螺峰外海雲歸故人相思雪滿髻  
客子獨行風舉衣烏鵲定占誰屋喜鱸魚知比去年肥  
當時歌酒江湖上百里音書今亦稀

次韻和蔚師鑑師春懷

愁是雲陰喜是晴春遊何處不關情黃雞亭館琴三弄  
青果杯盤酒數行滿砌雨添新筍密隔牆風送落花輕  
鑑湖湖上樵山老破帽枯藤過一生

己卯歲初葺剡居

休言聲跡轉沈淪百折江湖亂後身窮未賣書留教子  
飢寧食粥省求人坐來齒避樵蘇長往處蹤迷木石鄰  
翻笑古來逃世者標名先製隱衣巾

秋盡

秋盡空山無處尋西風吹入鬢華深十年世事同紈扇  
一夜交情到楮衾骨警如醫知冷熱詩多當歷記晴陰  
無聊最苦梧桐樹攪動江湖萬里心

正仲今年鄞城之約不就因次韻慰悅之

莫怪詩翁不出山詩多那得是山間清溪欲暖鶯啼樹  
白日無人犬卧閑不惜野花簪素髮時憑春酒轉朱顏  
當年阮籍何曾達直到途窮始哭還

四明山中逢晴

一岡一澗一縈隈新歲新晴始此迴莎坂南風寅蛤出  
茅簷西日乙禽來人迷白路羊羣石水卷青天雪裏雷  
猶是深山有寒食梨花無數繞巖開

辛丑歲十一月二十六日東歸舟中示三子

節物悠悠不負公江行三日雪花風雲侵賀監山亭白  
日在徐仙海島紅自笑得雛如病鶴也思結伴附歸鴻  
何時辦得村田活糲飯魚羹百指同

舒子俊見過

來往通家不厭頻青山心性白雲身陰林石溜風傳語  
霜月溪梁水寫真歲儉魚鮭難猝致天寒鳥鳥自相親  
燎爐新暖糟牀響隨分相留作好春

江村遇九日



去年九日江城角尚得臨風把一杯今歲并無黃菊看  
誰家更遣白衣來身猶是鴈飛難泊時不如潮去解回  
還有南山會人意晚舟相對碧崔嵬

送旨上人西湖并寄鄧善之

聞說西湖也自憐君遊更傍早春天六橋水暖初楊柳  
三竺山深未杜鵑舊壁草生尋舊刻新巖茶熟試新泉  
城中好友須相覓西蜀遺儒解草玄

仇遠

寄宋飲冰

欲共談詩一解頤  
停雲空惹思依依  
梅花賦就廣平老  
楊柳門閑靖節歸  
驛路數程征馬瘦  
家書千里過鴻稀  
思君怕倚闌干北  
柱笏看山竟落暉

元友山南新居

桃柳參差出短牆  
小樓突兀看湖光  
出門便與青山對  
讀易能消白日長  
硯石洗來如玉潤  
藥苗曬得似茶香  
鄰僧亦有通文者  
常把詩來惱漫郎

次胡葦杭韻

曾識清明上巳時  
嬾隨蜂蝶步芳菲  
梨花半落雨初過  
杜宇不鳴春自歸  
雙塚年深人祭少  
孤山日晚客來稀  
江南尚有餘寒在  
莫倚東風褪絮衣

奉寄恬上人

竹筇輕健草鞵寬  
野外消磨半日閑  
病葉已霜猶戀樹  
片雲欲雨又歸山  
燈分寺塔晴偏見  
水隔漁家夜不關  
媿我莫如霜上鷺  
雲時飛去便飛還

送劉竹間歸廬陵

驛路梅花漠漠寒，  
絨衫絮帽出長安。  
懸知客久歸心切，  
自覺交深別語難。  
春入西江隨馬去，  
山留殘雪待人看。  
青原白鷺如相問，  
十載湖濱只釣竿。

新安郡圃

亭榭凌空眼界寬，  
得閑來此獨憑欄。  
春浮練水蒸城潤，  
雪被黃山入座寒。  
古樹巢空羣鳥散，  
荒池沙滿碎藻乾。  
白雲在望歸期定，  
不見青油護牡丹。

題小閣

斲窗黏紙著方牀  
四面虛明取向陽  
氍毹席坐來終日暖  
皮簾揭動北風涼  
挂瓶水滿梅花活  
折鼎湯鳴芋子香  
布被蒙頭晝眠熟  
不知門外雪洋洋

董靜傳挂冠四聖觀

靜按秋淥洗荷衣  
問隱孤山隻鶴隨  
得酒可謀千日醉  
挂冠猶恨十年遲  
雲和家有仙人譜  
石鼎今無道士詩  
莫對梅花談世事  
此花曾見太平時

同楊心卿過孤山訪靜傳不遇自遊和靖祠下  
明日奉寄二高士

飛仙又向別峰遊竹下閒房且小留滿髯朔風吹客帽  
倚闌落日在漁舟梅花路冷難尋冢葑草田荒半作洲  
獨往獨來沙鳥怪山空木短使人愁

懷古寄劉仲鼎

吹殺青燈炯不眠滿衿懷古恨綿綿山中空識陶弘景  
海上難追魯仲連吳岫月明吟木客漢宮露冷泣銅仙

何時一酌桃源酒  
醉倒東風數百年

寄趙春洲莫兩山

湖山滿目舊遊空  
風景荒涼客路窮  
雨意忽生桐葉外  
秋光多在木樨中  
乾坤混混多遊騎  
江漢寥寥有斷鴻  
自古隱人多嗜酒  
却憐無酒醉新豐

湖上值雨

波痕新綠草新青  
有約尋芳苦不晴  
莎徑泥深雙燕溼  
柳橋煙淡一鶯鳴  
山圍故苑春常鎖  
泉落低畦暖未耕

十載舊蹤時入夢畫船多處看傾城

同段吉甫泛湖

西湖春碧淨無泥畫舫珠簾傍岼移寒食清明初過後  
杏花楊柳乍晴時從教西日催歌鼓莫放東風轉酒旗  
只恐明朝成雨去暗驚濃綠上高枝

秋日西湖園亭

西湖一曲百泉通漠漠青山繞梵宮故園園林秋色淨  
明朝風雨桂花空銀笙玉笛清歌外畫舫珠簾落照中



人物風光兩相稱  
兒童遮莫笑山翁

同陳彥國泛湖

斜堤高柳綠連天  
且繫閒人書畫船  
花事已空三月後  
湖光還似百年前  
洛陽園囿惟詩在  
江左英雄託酒傳  
亦欲扣舷歌小海  
恐驚沙上白鷗眠

陪戴祖禹泛湖分韻得天字

冉冉夕陽紅隔雨  
悠悠野水碧連天  
山分秋色歸紅葉  
風約蘋香入畫船  
鐘鼓園林已如此  
衣冠人物故依然

當歌對酒腸堪斷倒著烏巾且醉眠

和韻胡希聖湖上

連作湖山五日遊沙鷗慣識木蘭舟  
清明寒食荒城晚燕子梨花細雨愁  
賜火恩榮皆舊夢禁煙風景似初秋  
鳳絲龍竹繁華意猶為西林落日留

春日田園雜興

一灣新綠護茅廬草細泥鬆已可鋤  
野老但知分社酒地官寧復進農書  
鶯花眼界人煙外蠶麥生涯穀雨餘

我愛賦歸陶令尹柳邊時見小籃輿

宿集慶寺

半生三宿此招提  
眼底交遊更有誰  
顧愷漫留金粟影  
杜陵忍賦玉華詩  
旋烹紫筍猶含籜  
自摘青茶未展旗  
聽徹洞簫清不寐  
月明正照古松枝

卜居白龜池上

一琴一鶴小生涯  
陋巷深居幾歲華  
為愛西湖來卜隱  
却憐東野又移家  
荒城雨滑難騎馬  
小市天明已賣花

阿母抱孫閑指點疎林盡處是棲霞

梅二首

為怕緇塵著素衣凍痕封蕊放香遲月來忽送闌干影  
春到不分南北枝啼夢翠禽依樹宿斷魂玉笛隔花吹  
從他萬片隨風去須有青青葉底時

夢想幽芳無處尋相逢依舊歲寒心要看月底玲瓏玉  
休折枝頭蓓蕾金清曉風霜和豔冷黃昏庭院覺香深  
揚州一樹春多少殢得何郎瘦不禁

過李山人居

數椽竹屋傍秋江，屋外疎籬隔柳樁。  
客至旋分垂釣石，雨來自掩讀書窗。  
癡兒弄鏡時翻背，小婦彈箏不識腔。  
自古漁樵有遺逸，未應只說鹿門龐。

題溧陽市

萬家大縣舊留都，一派中江入太湖。  
縮項魚肥人鱸玉，長腰米貴客量珠。  
府分南北寒蕪合，橋直東西夜市無。  
却是旗亭浮蟻美，杖頭能費幾青蚨。

白珽

淨慈禪寺

奎額昭回龍屈盤入門已覺厭塵寰何當白髮三千丈  
來寄清風五百間帝子金搖金漱澹家人卦剔翠孱顏  
西湖日日船如織半在南屏第一山

湖樓玩雪

上湖十里卷簾中幻出瑤華第一宮山勢蹴天銀作浪  
柳行撲地玉為虹漁蓑鶴氅同為我雀舌羊羔不負公

明日鳳城朝退早一鞭曾約試吟驄

遊天竺寺

山轉龍泓一徑深嵐煙吹潤撲衣巾松蘿掩映似無路  
猿鳥往來如有人講石尚存天寶字御梅嘗識建炎春  
城中遮日空西望自與長安隔兩塵

竹陰

占斷人間瀟灑地全身水墨畫簷簷非煙非霧一林碧  
似雨似晴三徑涼翠袖佳人黯空谷白鬚道士隱南塘

數竿醉日君須記移向西軒補夕陽

題蘇東坡書楚頌並菩薩蠻滿庭芳詞卷後

南荒九死幸生還種樹書成手自刪  
赤壁夢難同楚頌  
洞庭樂不減商山人  
生墮地少如意老子對天無媿顏  
千古菟裘有遺恨斷圭殘璧自人間

贈張知府周卿

人品中原說此翁雄文直氣耿心胸  
幾年天上張公子  
今日雲間陸士龍  
來暮已聞歌五袴  
平反何翅祿千鍾



相從媿落諸公後拭目西巖第一峯

贈青龍任月山

傾蓋相逢意已親風流儒雅邁同倫曾來東閣觀奇士  
又向西湖見偉人放棹小溪梅礫礫敲碁深院燭燐燐  
懸知後夜相懷切帆落胥山月一輪

胡長孺

次韻段文郁

轉雷飛瀑護遺壇著足危岑向碧煙木末雞啼藤矯矯

稻間牛過水田田瑤池浪記三千寶玉井空傳十丈蓮  
少室幽棲良不惡黃塵山下欲彌天

龔璠

雪樵

伊川門下已齊腰清苦誰如雪裏樵浩蕩山林行靡靡  
低迷蓑笠影飄飄枯梢一夜號寒墮野菜尋春待病消  
炙手故應猶可恕高人塵甑儘無聊

焦山

還鄉白髮鍊丹臺  
世外襟懷渺渺開  
山與江傾橫海立  
人隨秋迴御風來  
石公渡口扁舟在  
鐵甕城頭斷角哀  
展轉闌干凭萬古  
少年自許拔塵埃

次鄭僉事送千壽道之慈湖長

尊酒南薰別意涼  
慈湖宛在象山陽  
人生莫恨書檠短  
地褊何堪舞袖長  
親舍雲飛千里白  
客篷雨漲一川黃  
昔賢了了經行處  
草木留君發舊香

游桃花塢次郭祥卿陸友元韻

三月西城多少花  
暖風吹雨過晴霞  
海棠昨日開時路  
山鳥清陰到處家  
長袖挽春攜手去  
小輿舁醉一肩斜  
閑人好在江湖酒  
只辦年年賞物華

袁易

白海青

并序

尚方有賜江浙省臣白海青者  
杭州人士美以歌  
詩徵余同賦

渺渺東溟刷羽翰  
乍隨天馬萬人觀  
孤飛雪點青雲破

一擊秋生玉宇寬  
賜予豈將追鴈鶩  
驅除直欲辨臬鸞  
江南明月難同色  
夢想瑤階白露漙

與師言客錢唐凡三月餘師言歸後作詩奉寄  
燈花猶記別時紅  
為報君歸我亦東  
豈意黃塵迷瘦馬  
尚淹青眼送飛鴻  
羣山積雪清相射  
千樹寒梅望欲空  
何遜揚州才思減  
試煩妙語喚春風

春雨漫興三首

日日春陰祇欲眠  
強尋南陌復東阡  
猶殘碧樹花多少

莫惜金尊酒十千象管烏絲題往事玉簫錦瑟負華年  
愁來祇對西山坐捲起疎簾翠接天

江上平蕪望欲迷江邊密雨細如絲冥冥白晝飛花急  
漠漠青林度鳥遲春事又當三月暮人生那得百年期  
誰能苦惜纏頭錦喚取嬌嬈舞柘枝

積雨厭厭愁斷腸暫晴猶得見春陽頻來幽鳥當窗語  
半落閑花度水香彩筆彫零詩漫興金杯搖蕩酒生光  
悠悠心緒渾拋却付與遊絲共短長

和師言窮居即事韻二首

城郭煙花裏屋廬蕭然誰識范萊蕪借居種竹憐君達  
築室移山笑我愚坐久眼看烏几綻醉來頭向墨池濡  
壯心縱復都銷盡未害狂歌擊唾壺

雨聲連夕亂鳴簷野色今朝稍入簾綠樹成圍黃鳥度  
青天欲盡白波黏熊經嬾戲愁危坐鵲語無憑喜漫占  
若話浮名身外事畫蛇無足不須添

秋夜懷友二首

平生故舊誰知我潦倒襟期子畧同縱酒祇拚千日醉  
讀書少忍十年窮歲華晚晚欺霜鬢物色淒涼入井桐  
未用相看歎搖落古來江漢有秋風

屋角闌干北斗垂誰家長笛夜深吹月流河漢天機急  
秋到山川木葉知老去潘生聊漫賦向來宋玉不勝悲  
四時代謝渾閑事有底窮愁入兩眉

郭麟孫

三月三日重遊虎丘



三月三日天氣好一年一度虎丘游  
枇杷巖下頻呼酒  
楊柳橋邊旋繫舟  
春事固知欺白髮  
山靈元不厭清流  
祇今觴詠成陳迹  
何用蘭亭俛仰愁

龔子敬同遊桃花塢趙中時適至

麥光繞郭搖青浪  
花氣浮空散紫霞  
小院碧桃留客醉  
隔林修竹又誰家  
清明過了春將暮  
濁酒傾殘日又斜  
一笑相逢誠不易  
人生看得幾韶華

趙時遠

鶯脰湖

鶯去湖存事渺茫  
梵宮占斷水雲鄉  
四圍煙樹浪濤闊  
六月橋亭風露涼  
遠近征帆歸別浦  
高低漁網挂斜陽  
翠微深處一聲笛  
驚起眠沙鷗鷺行

黃庚

枕易

古鼎煙銷倦點朱  
脩然高卧夜寒初  
四簷寂寂半牀夢  
兩鬢蕭蕭一卷書  
日月冥心知代謝  
陰陽回首驗盈虛

起來萬象皆吾有收拾乾坤在草廬

秋夜

博山香冷夜將闌紅影搖窗燭未殘庭樹露濃花氣溼  
井梧風老葉聲乾世情冷暖知心少朋舊東西會面難  
一段客愁吟不就無言背月倚闌干

脩竹宴客東園

二月韶光潑眼濃攜尊宴客小亭東酒當半醉半醒處  
春在輕寒輕暖中拂檻柳添吟髯綠壓闌花妬舞衣紅

晚來聽唱涼州曲聲繞吳姬扇底風

小酌

小酌園林酒半醺落紅影裏惜餘春  
插花歸去蜂隨帽  
傍柳行來鶯避人  
白髮尚為千里客  
黃金難鑄百年身  
何時歸賦滄浪水  
浣我征衣萬斛塵

夜坐次林梅山韻

人倚幽窗夜未闌  
竹鑪灰冷篆煙殘  
一天露氣星辰溼  
萬壑風聲草木寒  
老去客懷多感慨  
年來世事轉艱難

何時歸隱孤山下  
明月梅花約共看

雪

片片隨風整復斜  
飄來老鬢覺添華  
江山不夜月千里  
天地無私玉萬家  
迷岸未春飛柳絮  
前村破曉壓梅花  
羔羊錦帳應麤俗  
自掬冰泉煮石茶

舟次櫂蒲廟

短櫂衝寒過浦東  
扁舟一葉載詩翁  
斷煙流水殘雲外  
古木荒祠夕照中  
吟罷小樓何處笛  
酒醒孤枕半江風

潮生潮落朝還暮堪歎人生自轉蓬

月夜登樓

玉宇澄清暮靄收吟邊怕倚仲宣樓  
寒蟾千里夜如晝新鴈一聲天欲秋  
湖海誰青豪傑眼風霜易白少年頭  
更殘忽聽荒城角吹老梅花總是愁

月夜次修竹韻

徙倚吟闌傍野塘古譙蓮漏滴更長  
月堦夜靜蛩聲切竹院秋深鶴夢涼  
坐挹水風侵袂冷眠分花露滿身香

浩歌欲遡明河去  
醉喚天孫織錦裳

偶書

頻年蹤跡隨江湖  
三徑苔荒憶舊廬  
身老方知生計拙  
家貧漸覺故人疎  
松薪拾去朝炊黍  
漁火分來夜讀書  
怨鶴驚猿應待我  
台上何日賦歸歟

秋夜

十分秋色滿軒窗  
景物淒清夜氣涼  
篩月簾櫳金鎖碎  
擣霜砧杵玉丁當  
井梧葉脫無多影  
巖桂花稠不斷香

坐到更深吟興動硯池滴露寫詩狂

題吳實齋北山別業

北山佳景勝南山乘興登臨眼界寬  
樵斧伐雲春谷暗漁榔敲月夜溪寒  
一區池占林泉勝四面天開圖畫看  
竹屋數間塵不到主人日日凭闌干

書館

池館深深鎖翠涼課餘多暇日偏長  
屋連湖水琴書潤窗近花陰筆硯香  
吾道尚存貧亦樂客身長健老何妨



十年心事閑搔首厭聽蟬聲送夕陽

秋思

天容凝碧換秋容殘暑泠然一洗空  
梧葉多應愁夜雨  
葛衣漸覺怯西風十分淡冷砧聲外  
一片淒涼鴈影中  
興動尊罍欲歸去張翰心事恰相同

涼夜即事

涼入虛堂睡思濃夜深翦盡燭花紅  
光搖珠箔梧桐月  
香透紗廚未利風欹枕覺來人不寐  
撫鬚吟罷句難工

小蠻問我詩成未詩在池塘草夢中

舟行送王琴所之澉州

星辰寥落曙光浮柳岸風輕送客舟  
萬點遠山重疊恨一江流水淺深愁  
淡煙茅店家家曉白露楓林處處秋  
獨倚蓬窗還自笑此身漂泊愧沙鷗

次毛一齋韻

詩夢驚殘何處暮書窗又是夕陽時  
柳陰分綠籠琴几花片飛紅點硯池  
覽鏡自憐添白髮傳杯不復倩蛾眉

東風故國年年恨惟有啼春杜宇知

龍江館舍

幽棲俗事不相關家在青松翠竹間繞屋四圍都是水  
隔林一片不多山詩篇陶寫清秋景書冊消磨白日閑  
門外沙鷗如舊識忘機飛去又飛還

江上客懷

鏡裏從渠白髮添吟邊抵掌復掀髯十年為客甘清苦  
一枕忘情付黑甜短褐怯風棉未絮破窗漏月紙重黏

梅花應念人孤寂寒夜吹香入竹簾

偶成簡任肅齋教諭

百歲光陰一轉蓬晚年不與少年同事因錯處人方省  
詩到窮時句始工獻賦未逢楊得意憐才難遇杜司空  
有時追憶承平事猶道繁華是夢中

和杜柳溪韻

白髮垂垂一老夫年來漸覺世情疎石牀夢冷和雲卧  
茅屋燈殘共月居客至何妨賒魯酒家貧不肯典唐書

羨君種柳清溪上借我苔磯學釣魚

漁舍觀梅寄修竹韻

寒雲漠漠護牆陰瀟灑梅枝出竹林影落花磯和雪釣  
香浮老甕帶春斟幾憑水驛傳芳信祇許沙鷗識素心  
回首孤山千樹遠扁舟乘興夢中尋

贈通元觀唐道士竹鄉

通元道士苦修行坐見桑田幾變更雲屋苔封燒藥竈  
風林花落煮茶鐺休糧賸有青松啖却老應無白髮生

月滿竹鄉騎鶴去欲邀子晉學吹笙

尹廷高

山中冬日寄綠坡

畏寒終日閉柴門世事炎涼總不聞  
老鶴踏翻松頂雪亂猿啼裂隴頭雲  
強呼竹葉閑澆悶吟對梅花正憶君  
何日相過茅屋下夜燒黃葉坐論文

桐江舟中

又搖柔櫓下巖灘一片離情強自寬  
鴉噪暮雲天寂寂

鴈歸極浦水漫漫  
敲蓬雪霰和愁碎  
拍枕江聲入夢寒  
今夜客帆何處宿  
亂山青外是長安

臨汀書懷

開盡黃花秋又深  
不堪清夜聽寒砧  
燈前遠信和愁寫  
枕上新詩帶夢吟  
霜月一汀隨瘦影  
關山千里動歸心  
青鞵布襪雲間寺  
何日鷗盟得再尋

庚辰故里再燬於寇  
流落信安僧舍  
風雨淒涼  
羈愁野寺雨淒然  
又是西風落葉天  
疎雨半簷澆客恨

白雲一榻對僧眠  
孤吟天地知何益  
隻影江湖祇自憐  
喚醒十年鄉國夢  
空山古木亂鳴蟬

過故里感懷

松菊荒涼二十春  
衣冠散盡只空村  
燒明斷塹山雲暝  
鬼哭寒蕪巷月昏  
水涸蛟龍移窟宅  
草深狐兔長兒孫  
誰消一夜崑崙雨  
洗淨千峯見綠痕

三巖瀑布

天然石室踞雲根  
上有飛泉勢若奔  
千尺素簾寒不卷



一潭碧玉碎無痕風飄餘溼沾香案月漏疎光射洞門  
我欲捫蘿登絕頂桃花流水細窮源

平遠亭

野水漫漫接白雲凭闌轉覺興撩人一川芳草青無際  
數點遙峯淡不真煙樹夕陽開畫軸風帆沙鳥伴吟身  
箇中儘有閒田地何必桃源更問津

雙溪道中值風雨

竹輿咿軋嶺嶠崎三宿纔方出翠微遠水帶煙爭晚色

西風挾雨作寒威，綠莎路繞黃泥壩。  
烏柏林藏白板扉，屈指重陽歸又近。  
尊前兒女笑牽衣。

登淨江寺松風閣

巋然傑閣倚松岡，縱使無風也自涼。  
四面闌干金碧界，萬家城郭水雲鄉。  
清江疊嶂迷空闊，白鳥蒼煙墮渺茫。  
風景不殊君記否，吳山頂上看錢塘。

山居晚興

高住青峯不計層，閉門危坐絕交朋。  
竹聲欲斷微聞雨。

村色初昏遠見燈宿鳥並枝閑寂寂歸雲度壑慢騰騰  
鄰翁笑我生涯拙紙帳梅花絕類僧

潘奕

枕上

夢寐浮華興盡闌休文何止帶圍寬荒雞遠唱霜初下  
斷鴈宵征月半殘展轉每悲千載事支離正怯五更寒  
閉門又作偷閑計賸折梅花倚醉看

劉應龜

春日田園雜興

獨犬寥寥畫護門是間也自有桃源梅藏竹掩無多路  
人語雞聲又一村屋角枯藤黏樹活田頭野水入溪渾  
我來拾得春風句分付沙鷗莫浪言

趙文

雲陽寺

步入雲陽俗興闌山靈應不掩雲關禪房深鎖寺應古  
經鑰不開僧更閒菊綻黃香霜氣秀山堆秋色露痕斑

留侯千載空陳迹猿鶴聲聲拱夜壇

劉將孫

送錢方立遊荆

峴山西上楚天頭書劍區區事遠遊歲月如流方作客  
江山信美莫登樓百年耆舊誰家傳一代衣冠又古丘  
亂後題詩詩即史未應輕付水東流

劉邊

天遊峯

紫翠飛來石蘂間何年幻出小瀛寰  
崖懸瘦瀑一千尺峽束寒流入九灣  
蒼壁向人如有待白雲何事未知還  
酣歌更挹浮丘伯坐對中臺話半閒

雙元圃

寓錦灣望嶽亭

十載重來一凭闌光陰不改舊江山  
亭高下瞰龍藏室天遠遙觀虎拜班  
耕釣每懷生處樂驅馳未許老來閒  
雄風入座披襟好靜看漁舟上錦灣

陳達觀

遊練水

蕭蕭落木舊江山  
渺渺西風上水船  
短棹遠衝秋色裏  
孤峰高聳夕陽邊  
黃蘆葉響雙溪雨  
白稻花香兩岸田  
滿目客愁吟不得  
片帆今夜是祁川

劉深

錢塘懷古題仙源雲仍家譜

前朝遺老盡銷磨  
感慨臨風發浩歌  
地闢天開新日月

龍飛鳳舞舊山河西湖夜雨紅蓮少南苑秋風碧草多  
惟有浙江潮水好年年此日漲鯨波

劉壎

鶴

延頸池邊照影稀花明柳淨思依依年深色重丹砂頂  
日暖光浮白雪衣晴月夢回三島去看雲思上九霄飛  
玉簫聲斷秋宵冷應有仙人憶未歸

燕



萬里來從海外村，定巢時聽語頻頻。  
簾風半捲重門曉，社雨初晴二月春。  
尾上繫詩成往事，掌中學舞是前身。  
華堂茅屋依然在，幾處相逢舊主人。

劉麟瑞

昭忠逸詠

錄五首

金州守臣和公

彥威

統制楊公

福興

貔貅曾是守饒風，扞拓金房未易攻。  
十八谷間通徼外，五千兵勁入關中。  
賀蘭不救睢陽敗，諸葛猶存越雋功。

當日更推楊統制馬傷軍沒箭飛紅

丞相江公

萬里

知府江公

萬頃

名重天閣侍太微昔年南國秉樞機人歸綠野身猶健  
兵滿紅塵世已非止水亭前風淅淅鄱陽城外草依依  
棣華相映人間瑞節惠隆名世所稀

丞相信國公文公

天祥

金字牌飛出建章鬱孤萬壘為勤王驅馳嶺海君臣寓  
囚繫燕雲道路長六籍一時光日月孤忠萬里立綱常

元歸凜凜渾生氣南北人誇姓字香

江東制置使謝公

枋得

草履麻衣漫蔽形十年賣卜慣零丁  
願從楚地師龔勝欲向遼城友管寧  
采石吟成期絕粒娥碑讀罷棄餘齡  
一門盡節均無媿千載西山疊疊青

史貞女祠

石頭城昔號金湯岌岌孤墉戰馬場  
西日突圍逃漂水南冠荷校說維揚  
血凝漢節誇男子身寄秦淮藉女郎

千載一門忠與烈仰天哭向水雲鄉

別多喇卜丹

浮雲寺

麥雲芟盡草青青白叟黃童喜送迎海宇有生皆樂懌  
遐荒無地不昇平水明山秀聞鶯語雲淡風輕信馬行  
山下高人留客醉旋挑竹笋煮魚羹

吳澄

立春日寓北方賦雪詩

臘轉洪鈞歲已殘東風剪水下天壇  
騰添吳楚千江水壓倒秦淮萬里山  
風竹婆娑銀鳳舞雲松偃蹇玉龍寒  
不知天上誰橫笛吹落瓊花滿世間

送國子伴讀倪行簡赴京

漱豔離杯泛九霞還家未久便辭家  
出門惻惻重闌遠前路漫漫萬里賒  
不怕狂風隨去鷁偏愁寒月照棲鴉  
諸生凝望須君至共賦新詩賞雪花

客中即事次韻元復初郊行

客中又過二分春聞道千紅百紫新雨過庭隅長芳草  
日窺窗隙弄游塵懸知萬里只如此孤坐一堂還可人  
不信却須凌倒景九天樓閣倚長身

題閣阜山

漢吳仙跡兩峯齊欲拾瑤華路恐迷寶殿青紅疑地湧  
林巒蒼翠接天低九重香案分雲篆八景琅函記玉題  
仙鶴翔空清似水步虛聲在朶雲西

泗河

泗堤四望盡平原  
叢葦荒茅十室煙  
淮北更無生草地  
江南已是落花天  
陰風洶洶浮孤艇  
春雨濛濛冥一川  
只有漁翁猶世業  
長蓑短笠淺灘前

姚燧

癸巳九日

去歲君山孤櫂游  
如今盡室石城州  
明年白髮桑榆日  
何地青山萸菊秋  
客氣已為強弩末  
宦情空繞大刀頭  
果成問舍求田策  
未讓元龍百尺樓

別王良輔

只聞官罷尚荊州不謂相逢郢水秋  
如我避賢三退舍與君為客一登樓  
人才安自金鳴冶世事從渠劒刻舟  
明日分攜武昌去應煩南夢到滄洲

富珠哩

晉祠三首

錄一首

泉溜琮琤玉凍香稻塍厯落卦齊疆  
山頭雲氣結媒雨木杪風聲凜孕霜  
神漢有靈凝沆瀣客纓無垢得滄浪



不須對鏡談今古聊詠新詩送夕陽

盧摯

茅山作

海風吹曉上三山手把韶華滿意看偶得仙家逢歲朔  
不知人世有春寒梅邊杖履香隨步雲際樓臺玉作闌  
萬古椒花一杯酒醉來騎鶴問還丹

伊喇

華藏寺

法鐘聲遠透禪關華藏招提煙霧間浮世已更新態度  
青山不改舊容顏洞門水湛潛龍卧松頂風生野鶴還  
擬欲敲開名利鎖洗心常伴老僧閒

李孟

金陵懷古

西風聒耳過黃蘆萬水東流草木枯蟾闕一年秋色遠  
鵲橋萬里客心孤青山故國新豐市芳草王孫舊酒壚  
壯志未磨天地闊劒光耿耿照江湖

梁曾

登岳陽樓二首

樓前秋水健帆開  
樓外秋風舞袖迴  
萬里梯航來鳥道  
四時風雨護龍堆  
江山如此不一醉  
歲月幾何能再來  
欲問老髯求鐵笛  
夜深吹上紫荊臺

岳陽樓觀倚晴空  
樓外君山指顧中  
地勢平吞三楚遠  
賦蘭高壓九江雄  
乾坤好句唐工部  
廊廟雄文宋范公  
秋晚登臨正奇絕  
只疑身在水晶宮

磐泉

磐泉之源不可窮寒流不與長江通  
韜藏洩漏皆元氣  
疏鑿探搜亦鬼工一徑虹穿雲棧隱  
兩山虎踞劔關雄  
十年歷徧西南險絕愛湘中似蜀中

陳孚

平江

滄浪亭下望姑蘇千尺飛橋接太湖  
故里空傳吳稻蟹  
寒祠猶記晉尊鱸芙蓉夜月開天鏡  
楊柳春風擁畫圖

為問館娃歌舞處鶯花還似昔年無

### 金山寺

萬頃天光俯可吞  
壺中別有小乾坤  
雲侵塔影橫江口  
潮送鐘聲過海門  
僧榻夜隨鮫室湧  
佛燈秋隔蜃樓昏  
年年只有中泠水  
不受人間一點塵

### 過盧溝橋

去天尺五禁城西  
華表亭亭柳拂堤  
海上飛來雙螭螭  
雲間擁出萬狻猊  
太行山色浮鯨浪  
上國秋聲送馬蹄

誰識太微天極象迢迢河漢玉繩低

鄂渚晚眺

黃鶴樓前木葉黃白雲飛盡鴈茫茫  
櫓聲搖月歸巫峽燈影隨潮過漢陽  
庾嶺有塵汙簡冊禰生無土蓋文章  
關干只有當年柳留與行人記武昌

衡州

千里山逢十里平巍樓突兀見澄清  
州依岫嶺屏邊住在瀟湘畫裏行  
海鴈飛回秋渚野江豚吹老夜濤聲

何時得似龐居士一鉢空門了此生

永州

燒痕慘澹帶昏鴉數盡寒梅未見花  
回鴈峯南三百里捕蛇說裏數千家  
澄江繞郭聞漁唱怪石堆庭見吏衙  
昔日愚溪何自苦永州猶未是天涯

交州使還感事二首

少年偶此請長纓命落南州一羽輕  
萬里上林無鴈到三更函谷有雞鳴  
金戈影裏丹心苦銅鼓聲中白髮生

享年三十五  
已見二毛矣

已幸歸來身健在夢回猶覺瘴魂驚

寶劒金符笑此身霸陵今是舊將軍榻前未上征遼疏  
囊底空留諭蜀文七十親聞雙鬢雪八千客路一鞭雲  
何時歸棹煙江上閒對沙鷗洗瘴氛

呈閻靜齋學士

四海文聲重泰山十年忠讜侍龍顏  
屢分天上金蓮炬獨占人間玉筍班  
麟筆露寒青簡溼鳳章雲謁紫泥閑  
孤帆已有東風便喜近蓬萊碧水間



偕承旨野莊公學士劉東崖侍講張西巖游慶壽寺憩僧窗有作

金碧樓臺護紫霞一塵不到小窗紗  
老僧倚杖對疎竹童子抱琴眠  
落花風起亂飛千萬葉日斜閑啄兩三鴉  
自知不是名韁客消得曹溪一滴茶

得家書寄呈可翁家兄

風南枝北兩沈沈忽有書來似萬金  
三十年間聽雨夢八千里外望雲心  
舊書尚喜黃盈架先隴應添碧滿林

若問客遊新況味，紫薇花發玉堂深。

史館暮春有感呈承旨野莊公

滿篋詩章未必傳，微官束縛正堪憐。  
蘼蕪滿院又三月，苜蓿堆盤無一錢。  
洛邑家書黃犬上，巴山舊業子規前。  
夜聽兒女青燈話，似覺朱顏老去年。

夜宿灤河背兒

貂裘塵土黑如鴉，海角孤臣扈翠華。  
萬里親庭應鶴髮，一生客路又龍沙。  
囊中藥卷從容棄，盤裏蔬堆芍藥芽。

漸見馬前添喜氣明朝天近玉皇家

開平即事二首

百萬貔貅擁御閑灤江如帶綠迴環勢超大地山河上  
人在中天日月間金闕觚稜龍虎氣玉階閭闔鷺鴒班  
微臣亦有河汾策願叩剛風上帝關

天開地闢帝王州河朔風雲拱上游鵬影遠盤青海月  
鴈聲斜送黑山秋龍岡勢繞三千陌月殿香飄十二樓  
莫笑青衫窮太史御爐曾見袞龍浮

御選元詩卷四十三

謹案第十九頁後七行彩筆彫零詩漫興刊本彫  
訛雕據袁易靜春堂稿改

第二十五頁後一行小蠻問我詩成未刊本小訛卜  
據黃庚月屋漫稿改





總校官庶吉士臣侍朝

校對官檢討臣蕭九成

謄錄監生臣朱文佐